

Na osnovu člana 25. stav (7) i člana 39. stav (2) Zakona o prostornom uređenju Kantona Sarajevo ("Službene novine Kantona Sarajevo", br. 24/17 i 1/18) i člana 20. i 33. Statuta Općine Novi Grad Sarajevo ("Službene novine Kantona Sarajevo" broj 30/09 - Novi Prečišćeni tekst, 2/17), Općinsko vijeće Općine Novi Grad Sarajevo, na 17. sjednici održanoj dana 31.05.2018. godine, donijelo je

ODLUKU

**O USVAJANJU IZMJENA I DOPUNA REGULACIONOG
PLANA "BRIJEŠĆE"
SNABDIJEVANJE VODOM I ODVODNJA OTPADNIH I
OBORINSKIH VODA
(SKRAĆENI POSTUPAK)**

Član 1.

Usvajaju se Izmjene i dopune Regulacionog plana "Briješće" po skraćenom postupku (u daljem tekstu: Plan), u dijelu faze Snabdijevanja vodom i odvodnje otpadnih i oborinskih voda.

Član 2.

Plan se sastoji od tekstualnog i grafičkog dijela faze Snabdijevanja vodom.

Tekstualni dio sadrži:

- Tekstualno obrazloženje Plana
- Odluku o provođenju Plana

Grafički dio sadrži:

- Idejno rješenje snabdijevanja vodom na odgovarajućem broju tematskih karata.

Član 3.

Po jedan primjerak ovjerenog elaborata nalazi se na stalnom javnom uvidu i čuva se u Općini Novi Grad i Zavodu za planiranje razvoja Kantona Sarajevo.

Član 4.

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-02-12318/18
05. juna 2018. godine
Sarajevo

Predsjedavajući
Općinskog vijeća
Dr. **Rusmir Baljić**, s. r.

Na osnovu člana 25. stav (7) i člana 39. stav (2) Zakona o prostornom uređenju Kantona Sarajevo ("Službene novine Kantona Sarajevo", broj 24/17 i 1/18) i člana 20. i 33. Statuta Općine Novi Grad Sarajevo ("Službene novine Kantona Sarajevo" broj 30/09 - Novi Prečišćeni tekst, 2/17), Općinsko vijeće Općine Novi Grad Sarajevo, na 17. sjednici održanoj dana 31.05.2018. godine, donijelo je

ODLUKU

**O PROVOĐENJU IZMJENA I DOPUNA
REGULACIONOG PLANA "BRIJEŠĆE"**

**SNABDIJEVANJE VODOM I ODVODNJA OTPADNIH I
OBORINSKIH VODA
(SKRAĆENI POSTUPAK)**

Član 1.

Utvrđuje se Izmjena i dopuna Regulacionog plana "Briješće" - faza: Snabdijevanje vodom i odvodnja otpadnih i oborinskih voda ("Službene novine Kantona Sarajevo", broj 32/13), po skraćenom postupku, (u daljem tekstu: Izmjenama i dopunama Plana).

Član 2.

Izmjenama i dopunama Plana, u dijelu Idejnog rješenja Snabdijevanja vodom, utvrđeni su planski preduvjeti za polaganje distribucionog cjevovoda VD200 mm iz rezervoara Briješće (K.D.607 mnm i V=1000 m³), trasom planirane saobraćajnice, kao što je prikazano na grafičkim priložima 3. i 4.

Član 3.

Izmjene i dopune Plana, dijela Idejnog rješenja Snabdijevanje vodom sastoji se iz tekstualnog obrazloženja i grafičkih priloga sa prikazanom trasom planiranog cjevovoda. Tekstualni dio i grafički prilozi Izmjene i dopune Plana su sastavni dio Regulacionog plana "Briješće" faza: Snabdijevanje vodom i odvodnja otpadnih i oborinskih voda ("Službene novine Kantona Sarajevo", broj 32/13).

Član 4.

Po jedan primjerak Izmjena i dopuna Plana (tekstualni dio i grafički prilog) nalazi se na stalnom javnom uvidu i čuva se u Službi dokumentacije Općine Novi Grad Sarajevo, Zavoda za planiranje razvoja Kantona Sarajevo, Ministarstva prostornog uređenja i zaštite okoliša Kantona Sarajevo i KJKP "Vodovoda i kanalizacije".

Član 5.

Ova Odluka stupa na snagu osmog dana od objavljivanja u "Službenim novinama Kantona Sarajevo".

Broj 01-02-12320/18
05. juna 2018. godine
Sarajevo

Predsjedavajući
Općinskog vijeća
Dr. **Rusmir Baljić**, s. r.

